



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

XX. Libros hæreticorum abolendos esse.

[urn:nbn:de:hbz:466:1-53880](https://nbn-resolving.de/urn:nbn:de:hbz:466:1-53880)

mulatoribus conflatam; nam Cassander dicit, ad veram Ecclesiam requiri duo, fidem in Christum, & pacem cum hominibus, & inde deducit eos, qui hostiliter insectantur Catholicos, vel Lutheranos, non esse de Ecclesia, sed eos solùm, qui cum omnibus pacem habent: ergo illi, qui sunt de Ecclesia, non possunt esse nisi occulti, & qui cum Catholicis simulant se hostes Lutheranorum, & cum Lutheranis hostes Catholicorum; nam Catholici non patiuntur in suo gregi villo, qui ostendunt villo signo externo, se faverere Lutheranis inter Lutheranos quoque, et si permittuntur in iisdem provinciis omnes sectæ, tamen nulla secta in suo grege patitur amicos aliarū sectarum, ut notum est: ergo isti p̄ij, & pacifici viri necessariò sunt omnes facti & simulati, aliud ore profitentes, aliud in corde cælantes, & similes Herodi, qui cum Ethnicis erat Ethnicus, cum Iudeis Iudeus; nam & Cæsar templo erexit, & simul Deo vero, ut Iosephus refert lib. 15. Antiquitat. cap. 13. & 14.

Adde, quod fateretur Cassander, suos istos collegas esse paucos & occultos, sed hinc appareat, eos non posse Ecclesiam constituere; nam Ecclesia est manifesta & visibilis adeo, ut à Domino Matth. 5. dicatur ciuitas supra montem posita. Denique, vera Ecclesia sine Pastoribus esse non potest, ad Ephes. 4, isti autem homines occulti nulos pastores habent, nec habere possunt, dum ita manent occulti; proinde nullam Ecclesiam habent.

## C A P V T X X .

*Libros hæreticorum abolendos esse.*

**P**O STREMA restat quæstio de poenitentiis hæreticorum, quas post Ecclesiae iudicium & declaracionem, Principes politici infligere possunt ac debent. Incipiemus autem à libris eorum, ac breviter ostendemus, libros hæreticorum iure interdicti, & excommunicati. Id igitur probatur PRIMO ex antiqua & perpetua consuetudine, non solùm Christianorum, sed etiam Ethnicorum.

PRIMO, refert Valerius Maximus lib. 1. cap. 1. quod cum Romæ reperti fuissent libri quidam, qui non nihil videbantur

tur soluere religionem, Prætor Vibanus, ex auctoritate Senatus, in conspectu populi eos cremauit. Marcus Tullius libri de natura Deorum refert, Protagoram Abderitem quoddlibos noxios religioni scripsisset, Atheniensium iussu, urbe atque agro exterminatum, librosque eius in concione combustos.

DE INDE tempore Apostolorum, refert Lucas Actorum 19. multos ab Apostolis conuersos libros curiosos & vanos contulisse, & combusisse coram omnibus: & Clemens lib. I. constitut. Apostol. cap. 7. dicit, Apostolos prohibuisse initio fidelibus libros Gentilium, & falsorum Prophetarum. Scribit etiam Eusebius lib. 7. hist. cap. 6. Dionysium Episcopum Alexandrinum, qui floruit circa annum C. C. L. à fidelibus reprehensum, quoddlibos hæreticorum legeret.

CONSEQUENTE postea tempore, creuit zelus fidelium contra libros hæreticorum; Nam Nicænum Concilium libros Arij igni adiudicauit, vt Nicephorus testatur lib. 8. cap. 18. & Constantinus id exequutioni mandari iussit, proposita pœna capitisi, si quis libros Arij occultalet, vt patet ex epistola eius apud Socratem, lib. I. cap. 6. & Nicephorus lib. 8. cap. 25. Scribit etiam Socrates lib. I. cap. 24. Marcellum Ançyanum damnatum fuisse, quoddlibos suorum errorum comburere noluisset; non enim recipiebantur ad pœnitentiam hæretici, nisi prius libros suos combussissent.

CIRCA eadem tempora Epiphanius in Synodo Cypri coacta, vetuit libros Origenis legi, vt Socrates lib. 6. cap. 9. historiæ refert, & Concilium Carthaginense IV. canon. 16. permittit solis Episcopis, vt tempore necessitatis libros hæreticorum legant. NON diu postea cum Nestorij hæresis in Concilio Ephesino damnata fuisset, libri quoq; Nestorij in eodem Concilio interdicti fuere, & a Theodosio Imperatore exuri iussi, vt Liberatus refert capit. 10. Breuiarij, & existat adhuc lex Theodosij, L. Damnato, C. de Hæreticis. Circa idem tempus prodit lex Honorij & Theodosij, qua iubentur Mathematici omnes suos libros, in quibus aliquid est aduersum Catholicæ religioni, in oculis Episcoporum cremare, L. Mathematicos, C. de Episcopali audientia. PARTATIONE in Concilio Chalcedonensi damnantur libri Euthy- chetis, & ab Imperatoribus Valentiniano & Martiano severa lege

lege prohibetur, ne ullus eos legere, aut habere audeat, sed omnes diligentissime quæstii clementur, ut pacet ex Concilio Chalcedonensi, act. 3. & ex ipsa lege, quæ adhuc exstat L. Quicunque, §. Nulli, & § Omnes, C. de Hæreticis.

Eodem tempore B. Leo in epist. 91. ad Turbium, cap. 15. & 16. interdixit lectio[n]em librorum hæreticorum quoru[m]da, & addidit eos Episcopos, qui eos in domibus fidelium haberi sinerent, hæreticos censendos; paulò p[ro]st Gelasius in Concilio LXX. Episcoporum, ut habetur dist. 15. can. S. Romana, proposuit indicem hæreticorum, quorum libros ad delib[us] vitandos esse dicit.

Postmodum in V. Synodo damnato Anthymo, damnantur etiam eius libri, & Iustinianus Imperator grauem penā statuit, nimirum amputationis manuum in eos, qui eiusmodi libros describunt, ac iussit ubique comburi. habetur hæc constitutio in prima actione Synodi V. & in Nouellis, const. 42. B. Gregorius lib. 14. moralium, cap. 32. refert iussu Tyberij Imperatoris, crematum librum Eutychij, quem ipse Gregorius hæresis conuicerat.

In VII. etiam Synodo, act. 5. interdicuntur & comburi iubentur libri hæreticorum, & can. 9. excommunicantur, qui libros hæreticorum legunt. Concilium Constantiense sess. 8. confirmat decretum Concilij Romani, quo interdicta fuerat lectio librorum Ioannis VVicleti. Denique, Concilium Tridentinum indicem librorum hæreticorum fieri iussit, ut omnes scirent, qui libri cauendi & exurendi essent. Ex quo apparet, semper eandem fuisse consuetudinem in Ecclesia.

Accedit etiam in argumentum huius rei, quod nulli fere existent libri veterum hæreticorum. quomodo enim euauerunt tot volumina Valentini, Marcionis, Arij, Eunomij, Nestorij, Pelagij, & aliorum, quibus sancti Patres respondent?

Probatur SECUND[O] ratione; nam colloquia hæreticorum sunt periculosissima, & ideo diligenter vitanda, ergo multò magis libri sunt noxij & pestilentes, ac vitandi. Ad Roman. 16. Rogo autem vos, fratres, ut obseruetis eos, qui dissensiones & offendicula præter doctrinam, quam vos didicisti, faciunt, & declinate ab eis; nam per dulces sermones & ben-

benedictiones seducunt corda innocentum. 2. Timoth. 3. Hos deuita. Tit. 3. Hæreticum deuita. 2. epist. Ioan. Si quis venit ad vos, & hanc doctrinam non affert, nolite recipere in domū, nec Ave ei dixeritis.

S. IRENAEVS lib. 3. cap. 3. Tantum, inquit, Apostoli, & horum discipuli habuerunt timorem, Et neq; verbo tenus communicarent alicui eorum, qui adulterauerant veritatem.

S. CYPRIANVS lib. 1. epist. 3. ad Cornelium: Declinet, inquit, fortiter, & euentur dilectissimi fratres nostri verba, & colloquia eorum, quorum sermo & cancer serpit. Et infra: Nulla cum talibus commercia, nulla coniuicia, nulla colloquia miscerantur, simusq; ab eis tam separati, quam sunt illi ab Ecclesia profugi.

S. ATHANASIVS de S. Antonio in eius vita: Nunquam, inquit, Manicheis, aut aliis hereticis saltem amicabilita verbaligatus est, denuncians talum amicitiam, atque sermones, perditionem esse anima. Sic etiam Arianos detestabatur, & omnibus disceret, nec iuxta eos quidem esse accedendum. Et ipse B. Antonius iam moritus: Hæretorum, inquit, & schismaticorum Genesia vitate, meumque circa eos ordinum sectamini, scitis ipsi, quod nullus mihi, nec pacificus quidem sermo cum eis sequam fuerit. S. AVGUSTINVS in epist. 62. Hæreticum, inquit, sicut vitandum monemus, ne infirmos, & paruos fallat, ita non abnuimus quibuscumq; modis possumus corrigendum, &c. S. LEO sermone 18. de passione Domini: Viperea, inquit, hæretorum vitate colloquia, nihil vobis commune sit cum eis, qui solo sunt nomine Christiani. Hæc ille.

I AM igitur, si tantoperè vitanda sunt colloquia hæretorum, quantò magis libri; nam oratio in libris scripta, est magis composita, & artificij plena, quam quæ in colloquiis usurpatur. DE INDE, est semper ad manus; nam conciones & colloquia sunt rata, & verba ore prolatæ mox transiunt; at verba in libris manent perpetuæ, & semper nobis adsunt, nobiscum peregrinantur, nobiscum domi sedent. PRAETEREA libri magis sparguntur; potest enim aliquis per libros toti ferè orbi terrarum simul loqui, & multorum domos & cubicula libri penetrant, quos auctor libri nunquam vidit, & ad quos forcè nunquam admitteretur. De-

NIQVA

N I Q V E, experientia idem docet; nam Ioannes VVidetur in una voce paucissimos peruerit; docuit enim solum in Anglia, & ibi penè nullos reliquit sui erroris hæredes: at per librostoram Boëmiam peruerit. vide Cochlæum in historia Hussitarum.

A T contrâ obiiciunt. PRIMO, quia multa bona sunt in libris hæreticorum, & stultum videtur, propter aliquam malam priuare se etiam bonis: & confirmatur, quia alioqui multorum Patrum scripta comburenda erunt. Item, quia Ecclesia tolerat libros Gentilium, Iudæorum, Turcarum, & veterum etiam hæreticorum, ut Origenis, Tertulliani, Eusebii, Pelagii,

R E S P O N D E O, veritatem quidem non esse negandam, tamen nec legendam in libris hæreticorum; nam, ut ibi est, nocet, non prodest. Scribit B. Gregorius lib. 5. moral. cap. 15. hoc esse proprium hæreticorum, ut veris falsa permisceant, & bonis mala; nam si sola falsa & mala dicere, ab omnibus repellerentur; si sola vera & bona, hæretici non essent. Itaque omnia miscent, ut ex malis bona insciant, & per bona mala sua abscondant; quæ etiam cauſa est, cur Christus & Apostoli prohiberent Dæmones vera dicere, ne videlicet per ea vera fidem sibi acquirerent, & postea falsa etiam illuderentur. Luc. 4. Dominus non sinebat Damones dicere; Tu es Christus Filius Des. Et Acto. 16. Paulus prohibuit Diabolo dicere? Ist̄ homines serui Dei excelsi sunt, qui annunciant eobis viam salutis.

Præterea, etiam non decet, ut veritas ab hæreticis suscipiat, qui hostes sunt veritatis: ut scribit Gellius lib. 18. cap. 8. a. pud Lacedæmonios, cùm de summa Reipublicæ ageretur, vir quidam disertus & doctus, sed improbus & impurus. Optimum sententiam dixit, quæ cùm placeret omnibus, & iuxta eam decretum faciendum videretur, & tamen ferre non possent, ut optimum consilium turpitudine auctoris fedaretur, electus est vir quidam granissimus, qui omnium consensu eandem sententiam diceret, & nulla prioris habita mentione, huius sententia in decretum referretur.

Ad PRIMAM confirmationem de scriptis Patrum, respondeo in primis, Patres non esse hostes Ecclesie, & eorum errata non hæreses, sed humanos esse errores. Præterea, erores

rores Patrum esse errores extintos & mortuos, qui nocere non possunt; nam error nocet quamdiu defenditur pertinaciter: Patrum autem errores non fuerunt detecti, dum Patres ipsi viuerent, alioqui enim vel ipsi eos emendassent, vel ab Ecclesia eieci sunt: sed post mortem eorum detecti, notatiq; sunt, & ab omnibus improbati, sicut etiam ab ipsis improbarentur, si viuerent.

Ad illud de Gentilibus dico, eos tolerari, quia non nocent, cum sint errores mortui; nulli enim nunc sunt, qui non rideant dogmata Gentilium; nec unquam audimus Christianos depravatos libris Gentilium, deficere ad Gentilium, ut quotidie deficiunt ad haereticos; quia vero tempore Apostolorum multi erant, qui propugnabat dogmata Gentilium; Clemens scribit interdictos fuisse Gentilium libros, lib. I. Constitut. cap. 7. & eadem de causa prohibentur libri Gentilium in Concilio Carthaginensi IV. cap. 16.

Ad illud de Iudaorum & Turcarum libris dico, libros Iudaorum & Turcarum melioris conditionis esse, quam haereticorum; illi enim sunt aperti hostes Christianorum, nec fallunt sub nomine Christiano, ut haeretici faciunt. Itaque etiam simplicissimi quique nondum discernere dogmata Iudeorum & Turcarum a Christianis dogmatibus, discernere autem haereses non possunt, nisi homines valde docti. Præterea etiam Iudeorum & Turcarum libri prohibentur, quando continent blasphemias in Christum, aut iudicantur perniciosi Christianis, ut patet de Talmud Iudaorum.

Ad illud de Origine, Tertulliano, Eusebio, Pelagio, dico, eorum libros permitti, quia haereses illæ sunt extinctæ, & libri illi prosunt propter antiquitatem.

Argumentum SECUNDVM, ex Paulo, qui I. Thess. 5. dicit: *Prophetias nolite spernere, omnia probate, quod bonum est, senete.* est enim sensus; Si quis futura prædicat, vel Scripturas interpretetur, aut verbo, aut scripto, nolite reiicere, sed audiite, vel legite, & quod Catholicæ fidei consonum est, accipite, reliquum omitte.

**R E S P O N D E O.** Apostolus loquitur de prophetia & scriptis, quæ nondum constat, an sint bona vel mala, & talia non vult reiici, nisi prius examinata; sed quādo scriptum aliquod iam est examinatum, & constat esse malum, vult omnino reiici,

reiici, & talia sunt scripta omnia, quæ nobis prohibentur; sunt enim probata, id est, examinata omnia, & ideo prohibita, quia mala reperta sunt.

Deinde, licet Apostolus ad totam Ecclesiam scribat, tamen nō vult omnia fieri ab omnibus, sed ab iis, qui possunt, & quibus ex officio incumbit, sicut cùm ad Vniuersitatem aliquam mittuntur articuli aliqui suspecti examinandi, nea ad omnes, qui sunt in Vniuersitate, pertinet eos examinare, sed solùm ad Magistros, vel quos ipsi designauerint; igitur cùm Apostolus iubet, in Ecclesia examinari proprias, & Scripturarum interpretationes, certè non vult hoc fieri à sacerdotibus & cœmētariis, sed ab Episcopis, & aliis, quos Episcopi sibi adiungunt.

**A L I V D** argumentum sumunt ex testimoniosis quatuor veterum Patrum, Dionysij Alexandrini, Thcophyl*s*, item Alexandrini, B. Hieronymi, & Gelasij; nam **DIONYSIUS**, ut scribit Eusebius lib. 7. hist. cap. 6. cùm reprehenderetur quod libros hæreticorum legeret, respondit, se visionem habuisse, qua sibi dicebatur: *Lege omnia, quæ in manus tuas venient, valebis enim omnia expendere & probare.* **THEOPHILUS** quoque cùm argueretur quod Origenem legeret, respondit, ut Socrates refert libro 6. historiæ, capit. 15. se legere, ut quod bonum est excepere, quod malum respueret. Beatus **HIERONYMVS** in epistola ad Alexandrum & Minerum, dicit, se legere libros hæreticorum, ut bona inde excepatur, etiamsi sciat, aliquos propterea de se murmurare.

**GELASIVS** in tomo de vinculo anathematis, probate volens, posse Concilium Chalcedonense partim recipi, partim non recipi, assert exemplum librorum hæreticorum, qui partim recipiuntur, partim reiiciuntur, & allegat illud: *Omnia probate, quod bonum est tenete.*

Ad hoc ultimum respondeo, exemplum Gelasij in eo consistere, quod sicut in Concilio Chalcedonensi quedam erant bona, quedam mala; & quedam recipienda, quedam reiicienda, ita & in libris hæreticorum: non tamen vale dicere, posse recipi libros ipsos hæreticorum propter vera admixta, sicut recipitur Concilium Chalcedonense; nam alia ratio est Concilij sanctorum Patrum, alia librorum hæreticorum, ut diximus, quanquam veritas ipsa inserta libris hære-

hæreticorum bona sit, & recipienda, si tamen alibi repertiarur; verba eius hæc sunt: *Nunquid nam in ipsorum hæreticorum libris non multa, quæ ad Veritatem pertineant, possita leguntur?* *Nunquid nam ideo Veritas refutanda est, quia illorum libri, sibi prauitas inest, refutantur?* Aut ideo praui libri suscipiens sunt eorum, quia Veritas, quæ illic inserta est, non negatur?

Ad alia respondeo. PRIMVM, ex his locis colligi, semper in Ecclesia fuisse morem vitandi lectionem librorum hæreticorum, alioqui enim nemo istos Patres reprehendisset. DICO SECUNDO, semper concessum fuisse, & modò etiam concedi Episcopis, & aliis multis lectionem librorum hæreticorum, & ideo non mirum, si Dionysius & Theophilus, qui Patriarchæ erant, & S. Hieronymus, qui semper doctissimus est habitus, poterant suo iure omnes libros legere. DICO TERTIO, nullam tunc fortassè fuisse legem vniuersalis Ecclesiæ, sed solùm consuetudinem de non legendis libris hæreticorum, exceptis libris Atij; at nunc lex est Ecclesiæ vniuersalis, cui parendum est.

### C A P V T XXI.

*Posse hæreticos ab Ecclesia damnatos, temporibus pœnis, & etiam morte multari.*

 OANNES Huss artic. 14. in Concilio Constantiensi, sess. 15. recitato, afferuit, non licere hæreticum incortigibilem tradere seculari potestati, & permittere comburendum. Idem Lutherus in artic. 33. & in assertione eiusdem. Nec nouus est error; nam etiam Donatistæ olim idem docuerunt, vt Parmenianus, Petilianus, & Gaudentius, vt Augustinus testatur lib. 1. contra epistolam Parmeniani, cap. 7. Lib. 2. contra literas Petilianianas, cap. 10. lib. 2. contra epistolam Gaudentij, cap. 17. & 26. & epist. 50. ad Bonifacium.

Contrarium docent omnes Catholici, & aliqui etiam ex hæreticis. Nam Caluinus posteaquam Michaëlem Settum tanquam hæreticum publicè suppicio extremo affecisset, & ab aliis sectariis argueretur, libellum edidit, in quo

KKkk demon-